

春节古诗大全小学

1.春风来不远，只在屋东头。——于谦《除夜太原寒甚》

2.
岁暮纷多思，天涯渺未归。老添新甲子，病减旧容辉。乡国仍留念，功名已息机。明朝四十九，应转悟前非。——白居易《除夜》

3.
自唱新词送岁华。鬓丝添得老生涯。十年旧梦无寻处，几度新春不在家。
。衣懒换，酒难赊。可怜此夕看梅花。隔年昨夜青灯在，无限妆楼尽醉
哗。——吴文英《思佳客·癸卯除夜》

4.
云海泛瓯闽，风潮泊岛滨。何知岁除夜，得见故乡亲。余是乘槎客，君
为失路人。平生复能几，一别十余春。——孟浩然《除夜乐城逢张少府
》

5.
过眼光阴又岁穷，相看父子一尊同。春回雨点溪声里，人醉梅花烛影中
。汝趁暄和朝北阙，我扶衰病见东风。弟兄努力思报国，放我沧浪作钓
翁。——杨万里《除夕送次公子入京受县》

6.
今年春色胜常年，此夜风光最可怜。鹄鹊楼前新月满，凤凰台上宝灯燃
。——崔液《上元夜六首》

7.明年岂无年，心事恐蹉跎。——苏轼《守岁》

8.

残腊迎除夕，新春接上元。常时陪内集，排日醉芳樽。岁月惊殊俗，关山隔故园。谈边应记我，频嚏怪黄昏。——邓深《怀清旷兄弟》

9.
一片彩霞迎曙日，万条红烛动春天。——杨巨源《元日呈李逢吉舍人》

10.大书春帖当桃符，吟对窗前梅一株。——胡仲弓《元日》

11.
荒城何独泪潸然，闻说今宵是改年。亲故睽携长已矣，幽縲寂寞镇愁煎。更深肠绝谁人念，夜永心伤空自怜。为恨漂零无计力，空知日夕仰穹天。——《除夜》

12.
乾坤空落落，岁月去堂堂。末路惊风雨，穷边饱雪霜。命随年欲尽，身与世俱忘。无复屠苏梦，挑灯夜未央。——文天祥《除夜》

13.
守岁尊无酒，思乡泪满巾。始知为客苦，不及在家贫。畏老偏惊节，防愁预恶春。故园今夜里，应念未归人。——白居易《客中守岁》

14.
献岁视元朔，万方咸在庭。端旒揖群后，回辇阅师贞。彩仗宿华殿，退朝归禁营。分行左右出，转旆风云生。历历趋复道，容容映层城。勇余矜捷技，令肃无喧声。眷此戎旅节，载嘉良士诚。顺时倾宴赏，亦以助文经。——李适《元日退朝观军仗归营》

15.
迢递三巴路，羈危万里身。乱山残雪夜，孤烛异乡人。渐与骨肉远，转于奴仆亲。那堪正漂泊，来日岁华新。——孟浩然《除夜》

16.故节当歌守，新年把烛迎。——杜审言《除夜有怀》

17.

星移汉转月将微，露洒烟飘灯渐稀。犹惜路傍歌舞处，踟蹰相顾不能归。
。——崔液《上元夜六首》

18.

暮景斜芳殿，年华丽绮宫。寒辞去冬雪，暖带入春风。阶馥舒梅素，盘
花卷烛红。共欢新故岁，迎送一宵中。——李世民《守岁》

19.

可是今年老也无，儿孙次第饮屠苏。一门骨肉知多少，日出高时到老夫。
。——郑望之《除夕》

20.

欢多情未及，赏至莫停杯。酒中喜桃子，粽里觅杨梅。帘开风入帐，烛
尽炭成灰，勿疑鬓钗重，为待晓光催。——徐君倩《共内人夜坐守岁》

21.

晰晰燎火光，氲氲腊酒香。嗤嗤童稚戏，迢迢岁夜长。堂上书帐前，长
幼合成行。以我年最长，次第来称觞。七十期渐近，万缘心已忘。不唯
少欢乐，兼亦无悲伤。素屏应居士，青衣侍孟光。夫妻老相对，各坐一
绳床。——白居易《三年除夜》

22.

萧疏白发不盈颠，守岁围炉竟废眠。剪烛催干消夜酒，倾囊分遍买春钱。
。听烧爆竹童心在，看换桃符老兴偏。鼓角梅花添一部，五更欢笑拜新
年。——孔尚任《甲午元旦》

23.

城里夕阳城外雪，相将十里异阴晴。也知造物曾何意，底事人心苦未平。
。柏府楼台衔倒影，茅茨松竹泻寒声。布衾莫漫愁僵卧，积素还多达曙
明。——王守仁《次韵陆佥宪元日春晴》

24.霜落鸳鸯，绣隐芙蓉小春节。——曹勋《一寸金·霜落鸳鸯》

25.半盏屠苏犹未举，灯前小草写桃符。——陆游《除夜雪》

26.

感时思弟妹，不寐百忧生。万里经年别，孤灯此夜情。病容非旧日，归思逼新正。早晚重欢会，羁离各长成。——白居易《除夜寄弟妹》

27.

守岁阿戎家，椒盘已颂花。盍簪喧枥马，列炬散林鸦。四十明朝过，飞腾暮景斜。谁能更拘束，烂醉是生涯。——杜甫《杜位宅守岁》

28.

冬去春来又尽年，风花雪月谈笑间。夕阳洒绘云霞美，寒风劲秀雪漫天。花开花落情未老，年复一年志亦坚。我欲立志与天衡，豪情冲破不周山。——仇志璞《新年自勉》

29.

玉漏斯须即达晨，四时吹转任风轮。寒灯短烬方烧腊，画角残声已报春。明日便为经岁客，昨朝犹是少年人。新正定数随年减，浮世惟应百遍新。——方干《除夜》

30.

薄晚支颐坐，中宵枕臂眠。一从身去国，再见日周天。老度江南岁，春抛渭北田。浔阳来早晚，明日是三年。——白居易《除夜》

本文链接：<https://duanjuziku.com/duanjuzi/dwhhuqg19t.html>